

PORAUS FANITEN IIN ME SAM & CHON SUKKUL

Ach ei sukkul epwe fiti ewe Healthy Youth Survey (Kapas Ais Faniten Pechekulen Serafo) lon ei Fall.

Ekkena kapas ais e ais usun porausen feiengaw, porausen pechekulen inis, me pekin unumi ika angei sakau me drug. Sukkul, me mwun sopw me putai lon mwun ra aia pwungun ekkei kapas ais ar repwe alisi ekkewe serafo ren akukunatiw an esapw wor feiengaw. Ewe Healthy Youth Survey (Kapas Ais Faniten Pechekulen Serafo) ese achimw an emon epwe angei, me ese pwalo itan chon angei me a awora poraus mi auchea epwe pisekin amweni ika aureura pekin alluk me prokram ra alisii neuch serafo.

Kose mochen aporausa ei poraus ngeni noum ewe chon sukkul.

Me poraus won ewe kapas ais iwe filata ika pwe noum ewe chon sukkul epwe fori ika fiti.

Q: Ion sipwe ureni epwe angei ika fiti angangen ekkewe kapas ais?

A: Chon sukkul ir mi nom lon Kinikin 6, 8, 10 me 12 mwich lon unusen
Sopwun Washington me chon sukkul ir mi nom lon Kinikin 7, 9 me 11 mwich lon
ekkewe kukun kinikinin sukkul.

Q: Ach fiti ika fori ekkewe kapas ais mi achimw?

A: Ewer! Chon sukkul ir ra fiti mwokutukutun ika angei ekkewe kapas ais ir mi tongeni resapw peluweni ekkoch kapas ais me keuno me peluweni ekkewe kapas ais inet chek ra mochen. Ika pwe kose mochen noum ewe chon sukkul epwe fiti ei pekin angei ika peluweni ekkewe kapas ais, ka tongeni kokori ewe sukkul ar repwe mwutata an noum ewe esapw peluweni ekkewe kapas ais. Chon sukkul ir mi tongeni ureni neur sense pwe rese mochen angei ika fiti ewe pekin peluweni kapas ais. Chon sukkul rese fiti pekin peluweni ekkewe kapas ais ir repwe fori ekkoch mwokutukut, awewe ren study ika alea pwuk lon ewe library (lenien pwuk). Ese wor liwinin tipis ika pwe emon ese fiti angangen peluweni ekkewe kapas ais. Grade in noum ewe chon sukkul esapw osukosuk.

Q: Met kapas ais ra ais?

A: Kapas ais lon ekkei kapas ais ra feito seni kapas ais seni lon unusen mwun me lon Washington. Iin me sam ika chon tumunu semirit ra tongeni kokori ofesin an neur kewe sukkul ar repwe kuna kapin ekkewe kapas ais ika fen nengeni ekkewe kapas ais won www.askhys.net.

Ekkoch itelap mi pachelong:

- Poraus, ren ier, atemwan ika liefefin, ian re feito me ian, ar newo
- Met mefier ren sukkul me lenier
- lefiler ngeni iin me sam, chiechier, chon nom unukur
- Usun ar mongo, met mwokutukut re fori
- Kao faniten tumunun pechekulen aramas
- Met mefier faniten aian supwa, sakau me ekkoch drugs.
- Likilikir me memefir ren pekin tumun
- Likilikir lupwen epwe fis osukosuken famili
- PWarata ika Silei ika ir Atemwan ika Liefefin (Ese achimw me met e mecheres mi kawor ngeni Mwichen 6 me 7*)
- Meni Kinikin (Sexual Orientation) (esapw pwal ngeni Mwichen 6 me 7)
- Likilikin ika manawen foforingaw ren nisou, ochomanau me pwaringawei (esapw ngeni mwichen 6 me 7)

* Chilon chek ika pwe sukkul ra filata pwe repwe ais, ekkewe kapas ais esapw ais ini chon sukkul ar erpwe repwotuni ika ir atemwan ika liefefin.

Chon sukkul ir mi pin fiti ika peluweni ekkei Kapas Ais Faniten Pechekulen Serafo seni lon 2002. Nunun chon sukkul a lapelo seni ekkoch ngereu chon sukkul ngeni 230,000 eu ier!

Killisou ren omw nengeni ei poraus me poraus ngeni noum ewe chon sukkul!

Ewe Kapas Ais Faniten Pechekulen Serafo a kawor seni ika nom fan tumunuwen ekkei putai seni mwun: Health Care Authority (Chon Tumunu Pechekulen Aramas) - Division of Behavioral Health and Recovery (Putain Tumunu Manawen Aramas), Office of the Superintendent of Public Instruction, (Ofesin Meilapen Pekin Sukkul), me Liquor and Cannabis Board (Mwichen Tumunu Pekin Sakau me Maruo).

Q: Ifa usun an porausen chon sukkul epwe tumun?

A: Ewe HYS ese achimw an emon epwe fiti ika fori, me chon sukkul resapw makei iter won ekkewe kapas ais. Ese wor code ika poraus sipwe aia an epwe amasa fengeni iten chon sukkul me ekkewe kapas ais. Ese wor emon seni ewe sukkul epwe nengeni peluwen ar kewe kapas ais. Chon sukkul epwe mwonomonelo ar walong peluwen ar kewe kapas ais lupwen repwe wes me amasowa ika peluwenir.

Ika pwe e wor chon tomwalilong ika nengeni an chon sukkul pelu ngeni ekkewe kapas ais nge ese wor mwumwutan, iwe melip emon e sotuni le kutta emon chon sukkul ren aia porausen ewe chon sukkul ren meni sukkul e fiti, kinikin e nom lon, me i seni ian/an lewo e feito me ia. Nge, kich mi fokkun tumunufichi pwe poraus epwe monomon me mi wor ekkoch mettoch ika alen apeti an esapw wor tomwalilong ika nengeni an chon sukkul pelu me tumunu fichi pwe met poraus sia angei me lon ekkewe kapas ais epwe monomon. Ka tongeni kaoe fich tichikin poraus me won: <https://www.AskHYS.net/HYS/HYSInformation>

Q: Ifa usun ar aia met peluwan ekkewe kapas ais?

A: Sukkul, kinikinin sukkul, counties me mwun sopw (state) putai ra aia peluwan ekkewe kapas ais ar repwe weweiti neuch chon sukkul me awora ngenir ekkewe alilis ra niit. Pwungun ekkewe kapas ais sia aia faniten akkot, nenengeni, me amarata ika apwungu prokram me angei moni faniten alisi ngenir. Ekkewe poraus mi monomon sia ngeni ekkewe putai lon leniach ika ofes lon leniach, Tribal Epidemiology Center, me ekkewe chon kutta pekin poraus mi kapwungulo.

En Mi Niit Chommong Poraus?

Ika pwe mi wor omw kapas ais faniten met popun me wewen an kawor ei kapas ais ika met foron ika angangen ekkei kapas ais:

- Kokori nampa ese kamo 1-877-HYS-7111
- Email healthy.youth@doh.wa.gov

Ka tongeni kuna porausen ewe Kapas Ais Faniten Pechekulen Serafo (Healthy Youth Survey) me won: www.AskHYS.net

Ewe Mwichen Ika Pekin Chon Nengeni Poraus Lon Mwun Washington a apwungalo angangen mwokutkutun ewe Kapas Ais Faniten Pechekulen Serafo mi awewe lon ei taropwe. Ika ke luku pwe rese fiti pwungun angang, kose mochen kori 1-800-583-8488. Kosapw pwal affata itom ika ura itom. Meinis chon likiti poraus sipwe korir sefal.